

PRÆSSADIEDÁDUS

Bierjjedagá moarmesmánno 10. biejeve rahpá Joar Nango Girjegumpi-amfijja Bymuseet álggolin ja aktisasj vuosádus Gullevaš/Golgolaš Bodø kunstforeningin.

Aktisasjbarggoprosjækta Bodø kunstforening ja Bymuseet/Nordlandsmuseet gaskan buktá sáme dájddav ja arkitektuvrav vuojnnusij Bådåddjo2024 bále. Duodden dájda guokta vuosádusprosjevtajda de la aktisasjbargon aj Gábmáskávllå nuorajda gudi li 18 – 25 jagij gaskan.

Gullevaš/Golgolaš (Gullut/Gålggåvis) la vuosádus manna gáktsa dájddára Sámes átsádi ájálvisáv sijda, gulluma, identitehta ja álgodisvuoda birra. Bodø kunstforening vuosádus buktá aktij árbbedábálasj duojev, mállagijt, tekstijlav, installasjåvnå, filma ja jiednadájddav, ja siján la sierralágásj vuojnno materialitiehttaj, arkitektuvrraj, ádåsit adnemij ja improvisasjåvnåj. Vuosádusá dájddára li Elna Waage Mikalsen, Katarina Spik Skum, Anders Sunna, Matti Aikio, Olof Marsja, Sigbjørn Skåden, Ken Are Bongo ja Joar Nango. *Gullevaš/Golgolaš* vuosádusáv la Helga-Marie Nordby kuratierim, ja vuosádus joarkká ietjas manov Tromsø kunstforeningij gæssáj.



Katarina Spik Skum, Häjmabájkke? Mit hem? (2024)



Olof Marsja, PPZE (2021)

Girjegumpi la vuorkká-, dájdda- ja dutkamprosjækta mav dájddár ja arkitækta Joar Nango l álgadam sadjen gánná sáme arkitektuvrav átsát ja dágástallá; Mij la dal ájn sáme arkitektuvrra? Gáktu máhtta sáme arkitektuvrra liehket? Goassa l arkitektuvrra fábmó mij ulmutijt niejdet? *Girjegumpi* namma boahdá guokta nuorttasáme bágojs. «Gumpi» la gevas hyhtujn, mav álu muohtavuojánijn gæssá. «Girji» la máj girjje. Tjoahkkiduvvam báhko, ja dájdda *Girjegumpi*, la sihke girjjevuorkká, vuorkká ja konstruksjávnná maj sinna dá vuorkuduvvi ja suvdeduvvi. Jage 2018 la *Girjegumpi* manádam Vuonarijkav miehtáj, Helsinkij, KIASMA jagen 2022, ja dijjmá Venezia arkitektuvra Biennalenij. Bådådjon sjaddá *Girjegumpin* sjurra sihke Bymuseet sinna ja álggolin, ja giese nalluj sjaddi performanceprográmma, ságastallama ja seminára. Vuosádus sinna rahpá biehtsemáno 19. bieje.



Girjegumpi, Jokkmokk 2019, foto Astrid Fadnes

Girjegumpi la jáhtte prosjækta mij rievddá iesjenga diliin ja kontevstajn ja ávddánahteduvvá dynámalattjat ietjá dájddárii, arkitevtaj, fáhkaulmutij ja institusjávnná siegen. Moaddása dájddárijs gudi li fáron *Girjegumpin* li aj fáron aktisasj vuosádusán *Gullelaš/Golgolaš* Bodø kunstforeningin.

Buorisboahtem Girjegumpi-amfi rahpamij párkan Bymuseet álggolin kl. 18:00 bierjjedagá moarmesmánó 10. bieje. Vádtselip aktan Bodø kunstforeningij gánná aktisasj vuosádus Gullelaš/Golgolaš rahpá hálaj, performance, muossádimij ja ávvudallamijn gitta kl. 22:00.

Aktisasjbarggoprosjevtav li ruhtadam Nordisk kulturfond, Nordisk kulturkontakt, Håndverksløftet/Sparebankstiftelsen DNB, Bådåddjo2024, Sámedigge ja Kulturráde. Gejna guládallat: Kristoffer Dolmen, prosjevtá jádediddje 91009705.